

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Nilus.

**urn:nbn:de:hbz:466:1-14259**

A etiam usum recipient. D. Augustinus Aquilam ait senio gravatam rostri immodice crencentis ad uncitatem redigi, quod paulo ante dicebamus, ut nec os aperire, nec cibum illo pacto capere possit: impulsam itaque naturam vi, collidere rostrum ad petram, cuius attritus excusa ea parte, quae redundabat, ad cibam redire, atque ita ex eo senio reparari, ut omnino juvenescere videatur. Nostri petram loco hoc Christum intelligunt, proque rostro adunco, pravitatis perversitatisque opera, quod Physiognomici ejus figuræ nasum, uti superius dictum, iracundia & rapacitatis indicium esse volunt, hujusmodique homines avaros plurimum alieni appetentes, & ultiōnis studiosos inveniri. Vitia vero hac non alia excuti ratione, quam per Christi disciplinam queunt, atque ita pro juvenitatem renovatione animi depurationem intelligunt. Corpus enim nostrum ab adolescentia pergit in senium: verum anima sapientis, pii probatique viri, à senecta in adolescentiam transmittitur, atque ita homo hic exterior flaccescit, & deficit indies, interior vero eo magis vigescit ac renovatur, quo diutius in iusti honestique meditatione exercitioque vitam dedit. Tale aliquid apud Platonem invenias, dicente Socrate, *Tunc sane mentis oculus acutus cernere incipit, cum corporis oculus B incipit habescere.*

## APOSTOLL CAP. XVII.

**Q**uod vero legitur in Evangelio Matthæi, ubi fuerit cadaver, illuc & Aquila congregabuntur: per Aquila Adamantius Dominicæ passionis mysterium interpretatur: per Aquilas, Apostolos, *Apostoli.* de quibus etiam dixerit Esaías: *Affluit pennas nescit Aquila, & current, & non laſſabuntur, & ibunt, & cap. 40.3.* non sūrunt: sive ut alii legunt, *Current, & non laborabunt; iter facient, & non laſſabuntur.* Huic interpretationi adstipulatur etiā Eucherius, qui loco hoc Evangelico pro Aquilis, sanctas animas accipi tradit, & Salomonicum illud, *Via Aquila in celum, de Christi ascensu intelligi debere contendit. Quod prob. jo. 19.* si ad eruditionem hanc profana etiam adjungere liceat, Antipatri memorabile tertur epigramma, si ve illud Speusippi fuerit, in Platonis sepulchrum, quem ut divinum antiquitas universa venerata est, cuius ille animam ad sepulchrum ē celo allapsam in Aquila speciem agnoscit:

*Aἰετὲ, Ήπειρός θέσηνας ἔταιξ τοῖσθις ἡ πούσ, εἰπε,*  
*Αἴτερενθε δεῖσις οίκον ἀποκοπίεις;*  
*Ψυχῆς εἷμι Πλάτων@, δέσποινα μέντης ἐν ὄλευμποις*  
*Εἰκὼν, σώμα τὸ γῆγεν γηγενές αὐτοῖς ἔχει.*  
*Cur, Aquila, ad tumulum bunc volitas? dic: nunquid ab astris?*  
*Hic habitare Deum forte aliquem intuita es?*  
*Imo anima extincti sum diva Platonis, Olympum*  
*Quæ colo, sed corpus terrigenum Attica habet.*

*Epigramma  
in Platonis  
sepulchrum  
a D. Lascio  
in Platone*

## INGENIUM VELOX. CAP. XVIII.

**P**Indarus cum aliis plerisque locis, tum præcipue Nemeis, ingenii promptitudinem & velocitatem per Aquilam ostendit, sumpta ab eo comparatione, quod prædam etiam valde procul distantem mira perniciate nanciscatur, visuque ita polleat, ut profundissima quæque prospexit, quæ omnia ingeniorum acuminis sunt accommodata. Idem cum Bachilidis & amulorum suorum gloriam elebat, Corvos illos, se unum Aquilam jaet, quod promptissimo ingenio nihil non concipiat quantumlibet arduum, & à terra marique remotum, mox & stylis velocitate quæcunque conceperit asservatur. Ad hujusmodi rerum amplitudinem alludere mihi videtur Aristophanes Avibus, cum Atheniensibus aut adulaturis, aut eorum spes inanis elusurus, ait, *αἰστὸς ἐν νεφέλησι φύσει. Ni-* mirum enim oraculum acceperant Athenienses, fore ut tanto urbes reliquas post se intervallo relinquerent, quanto Aquila reliquias aves volat superat. Et Sofithe dictum illud celebre super vi ejus impetuosa:

*Ἐτις μνεῖσθαι ἀγνήδης αἰστὸς σοὶ ζεῖ.*  
*Una Aquila innumeras exagitabit aves.*

## NILUS. CAP. XIX.

**A**tque Aquila hac quidem de causa Nili fluminis hieroglyphicum in sacris Ægyptiorum literis habita: quoniam enim Nilum perniciiter currere, tantaque profunditate insurgere, observatum est

Gg

*Aquila in  
nubibus  
oritur.*

est primum Promethei tempore: eam enim fuisse Aquilam nonnulli tradunt, quæ Promethei cor di-  
cereret: quippe cum causas incrementa perveftigare non posset, ab Hercule deum Aquilam co-  
hibitat, qui fluminis impetum partim aggeribus, partim foſlarum derivio coercuerit, Prometheus  
omnes exundationis causas edocuerit. Inter autem vetusta Nili cognomenta AQUILA nomen  
invenias, quod nomen à colore nonnulli dictum putant, utpote qui ut Maro ait, viridum Egyptus  
nigra facundat arena, & æquora ab eo colorari Catullus inquit, nomenque illi è limo quem trahit,  
factum ajunt Etymologici: nam mare in longa inficit spatia, eaque de causa Melas olim & mox Ma-  
lon appellatus Ennio, Ausonio, & aliis: idque etymon in nomine à nigrore Festus & Servius agno-  
vere.

## ALTA COGITATIO. CAP. XX.

*Auctores  
Theophras-  
tus & A-  
schylus.*

**N**on defuere tamen, qui Aquilam hujusmodi Promethei cor abrodentem, ad mores trahere co-  
narentur, ac profundæ cogitationis principem significare contenderent. Sed ne diutius in Pro-  
metheo hæſitemus, quæ noſtri super Aquila fenserint, potius aperiamus.

## DIVUS JOANNES. CAP. XXI.

**S**ane homines cum solam avium omnium Aquilam esse divinam autument, & antiquitas eam Jo-  
vi tela gestare crediderit, inde persuasi sunt, quod omnium maxime oculo valere conspexerat,  
longissimoque intervallo minutissima quæque discernere, Homeri ad hoc accedente testimonio  
ita dicentis:

Ἄγριος διετός ὁν πάντα τε Φασίν.  
ἔχεται τοις δέργησις ταύροις πετενήσις.  
Ut Jovis ales,  
Cujus acutam aciem peribent praſtare volucres  
Ante alias, quoquoq; cælo ſpatiantur apero.

*Hinc Hom-  
ius,  
--- Cur in  
amicorum  
virtutem tam  
cerne acu-  
sum, quam  
aut aquila.  
Aquila  
stymon,  
ejung, ad  
D. Joan-  
nem rela-  
to.*

Et hymno Mercurii, ubi Apollo de Mercurii occultatione loquitur, qui ita latitaret, ait, ut negat  
ipsum vel Aquila, quæ tam acute videt, inspexit. Hinc Theologi noſtri Divum Joannem Evan-  
gelii ſcriptorem per Aquila hieroglyphicum à diuinis illis vatisbus præmonstratum deprehendere. Sane Aquilam (ut nomen etiam interpretemur) ab acute videndo dictam nonnulli ex veteribus al-  
ferunt, utpote qui Aquilam quasi aculam ab acumine dictam velint: quamvis, ut paulo ante dicebo-  
mus, alii ab aquilo colore vocem ducant: est enim aquilus color fuscus & subniger, ab aqua den-  
minatus. Utcumque autem, acutissimi viſus Aquila est Joannes, qui oculi acie in altissimis divini-  
tatis recessum directa, quæ omnibus maxime superioris naturæ ſecta revelavit, cuius facies Eze-  
chieli viſa supremum ex quatuor locum obtinere, qui ad abolendam Ebionitarum hæſim, que  
Christum hominem tantum, non Deum etiam affleverat, ad altissima remotissimaq; rerum prin-  
cipia præpetibus evolayt pennis, deque penitus divinitatis nido nitidissimas ac maxime pellu-  
idas illas geminas ſurripuit, quæ poſtmodum intuentum oculis quantumlibet convivientibus halie-  
cinantibusq; micantiflui luminis claritatem attulere. Illic enim erat lux vera, quæ ſola lumen mor-  
talibus elargitur. Hic ille deprehendit humanarum divinarumq; rerum omnium λόγον initio ſuſe,  
atque penes Deum, ipsum denique Deum, ipsam eſe rationem, quæ apud nos ſub Verbi nomine  
recepta eſt: ut reliqua mihi faciam, tam multis divina ſapientia luminibus illuſtrata. Hac eft de-  
nique illa Aquila volitantis effigies, diceret Irenæus, quam facri prævidere vates, quæ Joannis no-  
ſtri beneficio, ſpiritus in Ecclesia ad volantis gratiam manifestat. Nam hic alte exorsus principium,  
quod à Patre eſt, effigiem Verbi, qua refertur in Filio, & præclaram ejus generationem enarrat: tan-  
ta cum fiducia rem tam arduam aggrefius, ut Aquila ſymbolo merito figuretur. Joannes, inquam,  
ille altiloquus, quod Aquila referatur hieroglyphico, ipſa ſuſcepta lucubrationis materia ſublimis  
ait Eucherius, & ab ipſo rerum principio repetita, in cauſa fuit. Proinde cum volatu ſublimi in iofant  
Dei omnipotenti aulam elatus fit, & oculorum aciem viſu præpollens, in admiranda divinitatis ſu-  
ciem inſixerit, doctrinam nullo antea mortalium ingenio conceptam ab alto detulit, cujus initium

STATU